

Lëtzebuenger Sprooch a Kultur

Formation continue



Wou ass d' Gare?
Wéi vill Awer ass et?

□ FACULTÉ DES LETTRES, DES SCIENCES HUMAINES, DES ARTS ET DES SCIENCES DE L'ÉDUCATION

Formation continue Lëtzebuenger Sprooch a Kultur

Lëtzebuerg ass eng méisproocheg a multikulturell Gesellschaft, an där vill Sproochen niewenteneen existéieren. D'Lëtzebuergesch kritt awer dobäi ëmmer méi eng grouss Roll als Integratiounssprooch.

D'Nofro no Lëtzebuergeschcoursë fir auslännesch Matbierger an domat och no qualifizierten Enseignantë gëtt méi grouss. D'Formatioun riicht sech un all déi, déi sech gären als Enseignant(e) fir Lëtzebuergesch an der Erwuessenebildung aus- oder weiderbilde loossen.

De Fokus vun der Formation continue Lëtzebuenger Sprooch a Kultur läit op dräi Beräicher: der Friemsproochendidaktik, der Struktur, Grammaire an Orthographie vum Lëtzebuergesch, an op der Lëtzebuenger Literatur a Kultur.

Objectif Aus- a Weiderbildung vu Léierpersonal, fir Coursen am Beräich „Lëtzebuergesch als Friemsprooch“ fir Erwuessener ze halen. Friemsproochendidaktesch Theorien a Methoden, Ausschaffe vun Unterrichtsmaterialien, d'Sproochstruktur vum Lëtzebuergesch, souwéi eng Aféierung an d'Lëtzebuenger Literatur a Kultur stinn um Programm.

Inhalt Déi inhaltlech Schwéierpunkte baséieren op linguisteschen, didaktesch-methodeschen a kultur-, literatur- a mediewëssenschaftlechen Aspekter, déi a Modullen organiséiert sinn. Déi eenzel Coursë ginn duerch en Examen oder e Contrôle continu ofgeschloss.

- › **Sproochsituatioun a Struktur vum Lëtzebuergesch**
An deem heite Module gi linguistesche Grondlage fir d'Lëtzebuergesch erschafft. D'Beschäftegung mat de sproochleche Strukturen (Phonetik/Phonologie, Schreifeis, Morphologie, Sazbau) steet am Vierdergrond.
- › **Literatur, Kultur a Medien**
D'Studente léieren déi 3-sproocheg Lëtzebuenger Literatur an d'Lëtzebuenger Literaturgeschichte kennen. E ganz spezielle Fokus gëtt dobäi op Literatur a lëtzebuergesche Sprooch geluecht. Si kréien en Iwwerbléck iwwer d'Lëtzebuenger Kultur an d'Geschicht vun de Lëtzebuenger Medien.
- › **Friemsproochendidaktik**
An deem Module gi friemsproochendidaktesch Theorien a Methoden enseignéiert, déi fir den Erwuessenenunterricht relevant sinn. Dobäi gëtt de Lien zur Praxis an zur spezifescher Situatioun fir Lëtzebuergesch als Friemsprooch gemaach.

**Organisatioun
vun de Coursen** D'Coursé vun der Formation continue si vu September bis Juni, ëmmer freides. D'Coursen daueren tëschent
4 a 6 Stonnen a ginn op Lëtzebuergesch gehalten.

Aschreiwung D'Aschreiwungsfraise sinn 100 € / Semester.

Voraussetzungen, fir ugeholl ze ginn, sinn e Premièresexamen (BAC) an eng mamesproochlech Kompetenz
am Lëtzebuergesch.

D'Kandidate mussen eng schrëftlech Demande eraschécke mat engem Motivatiounsbréif op Lëtzebuergesch,
an där si hir Kompetenzen, hir Experienz an hir Virstellung vum der Formatioun presentéieren.

Et gi maximal 20 Kandidaten ugeholl.

Zertifikat D'Formation continue Lëtzebuenger Sprooch a Kultur ass säit 2009 duerch e Règlement Grand-Ducal
an de Ministère de l'Education unerkannt. Studenten, déi d' Formation continue mat Succès ofschléissen,
kréien e Certificat, fir Lëtzebuergesch als Friemsprooch ze enseigner.

Kontakt **Studiendirektesch**
Mélanie Wagner
T. +352 / 46 66 44-6271
melanie.wagner@uni.lu

Administratioun
Pedro Mendes
T. +352 / 46 66 44-9617
pedro.mendes@uni.lu